

تغريدات شعرية



اهبط بخفاقي هبوط اضطراري
ومن ضيقة خاطر بصدري تذرا
لاتأخذك وحشه ويشغلك طاري
ادخل وخل اوهامك السود برا

انور النفيخ

ليت المطر يحزن على موت الاغصان
ويهل دمه من سحاب حنانه
انا هنا في داخلي يسكن انسان
ميت ظما واتعبت نفسي عشانه

ضي الفكر

لاطحت طالع فوق وانهض لاتضيق
ترا الضعيف اللي خصومه تامنه
اصنع مع العثرات للقمه طريق
تسقط سبع مرات..؟ قم للثامنه

حمد الجودان

من شرب من غدريك وارتوى بك شعور
مايبي غير قريك لو فراشه.. حصير!
جيتني في زمان.. البهرجه والظهور
واختفى الكل بوجودك كبير وصغير!
سعدون سالم

اتأمل حسرة (الماضي) واخبّي
كل حزن ما عرف (لليوم) معنى
واحضن الاحلام والاحلام ذنبي
مارأينا حلم ما حلم (سمعنا)!

عنود الصيد

قهوني من دلة وصالك وغادر
وهات لي وجه لـ مساريك الطويله
أزرع فـ كل المواني لك معابر
وأحطب لـ جمر انتظارك كل ليله

عبدالله بن جريان

حنا بعلاقتنا دفعنا «ضريبة»
ولا فيه متضرر سوانا بالأتنين!
تحبني.. وتكتم شعورك.. مصيبة
وانا انتظر منك لي شهور وسنين

نايف بن مطيع